

چارا حال نبي يوسف

قيصه نبي ۲
سورت نمبور 4

قيصه نبي ۲

دالم چود سورت ۲ ني ، هق نام دي
"قيصه نبي ۲" اد رويت چارا حال
توجه اورغ نبي سروف دباوه ني :

سورت 1 .	چارا حال	توء ادم
" 2 .	"	نبي نوح
" 3 .	"	نبي ابراهيم
" 4 .	"	نبي يوسف
" 5 .	"	نبي موسى
" 6 .	"	نبي داود
" 7 .	"	نبي سليمان

قيصه ۲ کسموا تو امبيق دالم کتاب
فرجنجين لام ، هق ترماسوق کتاب تورات،
کتاب زبور دغن کتاب ۲ نبي ۲ لائين جوگ.

چارا حال نبي يوسف

قيصه هق بوليه باچ دباوه ني ، ار دالم
سورت نام كجارين ۲ هق اصل ، سورت هق يځ
فرتام دالم كتاب تورات هق نبي موسى . ايات ۲
ني رويت حال ۲ يوسف ، انق نبي يعقوب . ولو
دي كنا كسوساهن ستارا مان فون ، يوسف دوق
هارف كا توهن سمعور . توهن فون دوق فارول
كا يوسف جوگ . فس لاكي ، توهن فاكي يوسف ني
بري سمفي هق باءيك كا اورغ لائين ۲ فول .

يوسف دغن اريق براريق دي

كجارين ، باب 37 : 2-11

2 فد ماس تو ، انق يعقوب نام يوسف ، عمور دي توجه
بلس توهون . فس دي دوق تولوغ فيرا كمبيغ بيربغ سكالې
دغن كاكق ۲ دي ، ياءيت انق ۲ بيلحه دغن زيلفه ، بيني مودا
هق ايه دي . فس يوسف كليق رويت كا ايه دي كات كاكق ۲
ديق نون بوات تاءمولىق .

3-4 یعقوب کاسیه کا یوسف لبیه فد انق ۲ هق لائین،
کران دي بولیه کا یوسف تکه دي توا ده. فس دي فوتوغ
باجو جویه هق فیسید، تندا اورغ فریثکت تیغگی، بری کا
یوسف. * بیلا کاکق ۲ نمق کات ایه کاسیه کا ادیق لبیه
فد دي، دي فون بنچی کا ادیق، تاءسیر کیچیق مولیق
رغن دي.

5-8 فد سا تو مالم، یوسف فون میفیی، فس کی رویت کا
کاکق ۲ حال دي میفیی تو، بری دي کهور بنچی لاگی.
یوسف کات: رغرله! نق رویت حال هق امب میفیی نی.
* کیت روق کرج ربنده چروت گندوم، ایکت بوات اونتیغ.
فس اونتیغ هق امب باغون بردیري، تافی اونتیغ ۲ هق ابغ
ماری توندوق سکللیغ هق امب. * کاکق دي کات: ایش!
مو جاري راج، نق مرینته اتس فواق اکو که؟ فس دي
کهور ۲ تمبه بنچی لاگی، سابیت میفیی تو، فس سابیت هق
یوسف رویت کا ایه رولو، کات کاکق ۲ بوات تاءمولیق.

9-11 فس تاءلام، یوسف میفیی فول. دي فون کی رویت کا
کاکق ۲ کات: امب میفیی سکالی لاگی. بولن رغن متھاری
سکالی رغن بینتغ سبلس بوتیر، سموا تو روق سجود راءفن
امب بلاک. * بیلا ایه رغن کاکق ۲ رغر هق یوسف میفیی
سائنی، ایه فون تکه دي کات: اف هق مو روق کیچیق
نی؟ مو نق بری مق فق رغن کاکق ماری سجود راءفن
مو، که کان؟ * فس تو، کاکق ۲ دي فون براس رغگی
سعمور. تافی ایه دي روق ایثت تاروه جوک، هق یوسف
رویت حال دي میفیی تو.

12-14 ماس تو، کاکق ۲ يوسف کي نق فيرا کميڻ بيرڻ ايه
 ري، رکليواسن شيکيم. فس يعقوب کات کا يوسف: کاکق ۲
 مو روق فيرا کميڻ بيرڻ کيت دشکيم بوکن؟ ماري اکو نق
 هنتر مو کي کا تمفت ري. يوسف جواب کات: مولقله ايه.
 * فس يعقوب کات کا ري: کيله تيغوق کاکق ۲ مو روق بالس
 مان، کميڻ بيرڻ فون روق موليق کا رق؟ فس کليق ماري
 رويت کا اکو. بالس توله ري بري يوسف توبيت کي، امبيق
 رچله بوکيت حبيرون تو، کي سمفي کا شيکيم ريق نون.
 15-17 تغه ۲ يوسف روق برجالن دتفي بوکيت ريق نون، ار
 ساتو اورغ تمو دغن ري. اورغ تو تان ري: هاوغ روق
 چاري اف؟ * يوسف کات: روق چاري فواق کاکق امب. فق
 چيک تاهو کا رق، ري روق فيرا کميڻ بيرڻ دمان لاني؟
 * اورغ تو جواب: ري تاءار دسيني. ري کات نق کي
 کوء مقيم روتن. يوسف فون کي، فس تمو دغن کاکق ۲ ري،
 د مقيم تو.

18-20 با کاکو ري نمفق يوسف روق جاوه لاکي، ري فون
کيچيق سام سندیري چاري جالن نق خيانة کا يوسف. فس
ري فاکت ستوجونق بونوه. * ري کات: تیغوقله، هاوغ
فندي میمفی روق ماري ره. * بائیک کیت بونوه ري سلالو.
ار تلاک کریغ دسینی دوا تیگ بوتیر. کیت بولیه امبیق
ري تاهوق دالم تلاک تو، فس کیت بولیه کلیق رویت، کات
بناتغ بیفکیغ ترکم ماکن ري. فس ننٹی تیغوق، جاري کارق،
هق ري میمفی تو.

22-21 ریوین، کاکق هق سولوغ تو، دغر هق ادیق ۲ دی

دوق کیچیق ساءنی، فس دی براس نق بری سلامت کا یوسف. * دی فون کات: تاءکنا بونوه دیه! امبیق دی تاهوق دالم تلاک کریغ تو، چوکوف ده. جاغن بری ماتی سابت تاغن کیت. ریوین کات بالس تو نق بری یوسف سلامت فد فواق تو، سبب دی نق هنتر یوسف کلیق کا ایه سمولا.

24-23 بیلا یوسف سمفی ده، کاکق دی فون فگغ دی ربوت

باجو جویه هق فیسید تو، فس باوا دی کی تاهوق دالم تلاک.

25 لفس تو، کاکق ۲ دی برادو ماکن دولو. تغه ۲ دوق

ماکن تو، دی نمفق فواق اورغ منیاک بغسا اسمعیل، دوق برجالن ماری دکلیواسن گیلیار، هارف کی کا نکری مصیر. اونتا ۲ دی موات بارغ سروف رمغه ۲، اوبت، دغن مییق باءو نام مور.

28-26 فس کاکق هق نام یهودا کات: اف فائیده کیت

بونوه ادیق، فس کنا کمبوس داره دی؟ * باءیک کیت جوال کا اورغ بغسا اسمعیل نی. بالس تو، دی تاءکنا ماتی سابت تاغن کیت. سبب دی ادیق برادیق کیت جوک، جاری سداگیغ سداره دغن کیت. سمو ادیق برادیق فون ستوجو بالس تو. * فس بیلا فواق اورغ منیاک دمیدیان ساءنی سمفی کا تمفت دی، کاکق ۲ یوسف فون اغکیت دی دالم تلاک، جوال کا فواق تو دغن دویت فیرق دوا فولوه کفیغ. فواق بغسا اسمعیل تو فون باوا یوسف کی کا نکری مصیر.

يعقوب سڻڪ کات يوسف ماتي ره

ڪجارين ، باب 37 : 29-36

29-32 تاءلام، ريوبين ڪليق ماري فول ، تيغوق ڪا تلاڪ
نمق کات يوسف تاءار. ري فون سويق باجو ري ، تندا
ڪات ري سديه هاتي. * فس تو ري ڪي چاري فواق
اريق ۲ ري ڪات: يوسف تاءار ره. اوه ! اكونق بوات
لاکو مان ؟ * سور سڪالي ، فواق ري فاکت ڪي سمبليه
ڪمبيغ، امبيق باجو جوبه هق يوسف چلوف راره، فس باوا
ڪليق ڪا ايه ري ڪات: ڪيت تمو ره باجو جوبه ني. جيلور
ڪا رق ، باجو انق ايه تو ؟

33-34 يعقوب فون ڪنل سلالو باجو تو، ڪات: جيلور باجو
انق ڪو يوسف ! تنتو بناتغ بيغڪيغ ترڪم ماڪن ري. اوه
يوسف ! تولغ ۲ مو روق سليرق تابور، تاءروق سڪالي.
* يعقوب فون سويق باجو ري سلالو، تندا ڪات ري
سوسه هاتي، فس تو ري فاکي ڪاين ڪوندي هق ڪاسر،
روق ريام درومه بايق هاري، ايغت ڪا انق ري هق
ماتي ره.

35 سموا انق ري جنتن بتينا فون، فاکت ماري نق
فوجوق ايه ري، تافي ري تاءسير دغر. ري ڪات: رق !
اڪو نق روق دغن سوسه هاتي بالس ني، هيغڪ سمفي
اڪو ڪي ڪا تمغت اورغ ماتي سروف انق ڪو. بالس توله
يعقوب روق ايغت ڪا انق ري هق ماتي ره تو.

36 رالم ماس تو، انق ري يوسف ڪي سمفي ڪا نڪري
مصير. فس اورغ منياڪ رميديان هق باوا ري ڪي تو،

جوال یوسف فول کا فوتیفر، سئورغ منتري هق فرعون، راج
مصیر تو. فوتیفر نی جاری کفلا عسکر درومه راج.

یوسف دغن بینی فوتیفر

کجاردین، باب 39:1-23

- 1 بالیق یوسف فول، فواق بفسا اسمعیل هق باواء
دي کي کا نگري مصیر دولو، جوال دي کا فوتیفر، سئورغ
منتري هق فرعون راج مصیر تو. کرج فوتیفر نی، دي
جاری کفلا عسکر درومه راج.
- 2-6 تافي توهن دوق سکالي دغن یوسف، بري دي بولیه برحاي
سعمور، تکه دي دوق درومه اورغ مصیر تو. * فس توان دي
تیفوق کات توهن دوق سکالي دغن یوسف، کران اف ۲ هق دي
بوات بولیه لاب. * دي فون برکنن کا یوسف، بري جاری انق
تاغن هق دي. لفس تو فول، توان دي بري یوسف دوق جاگ
سموا کرج دي، درومه اتوا دلوار فون. جق دماس تو توهن
تورون رحمة اتس سموا کرج ۲ هق اورغ مصیر تو، درومه اتوا
دبندغ فون، دغن کران یوسف. * سود سکالي توان دي سره
بلاک کا تاغن یوسف، تاءکنا کیرا اف سکارا ملینکن هق مان
دي نق ماکن هاري ۲.
- 7-10 یوسف نی اورغ جائق دغن توبوه گاگه. * فس
تاءلام، بینی توان دي دوق کیلا کا یوسف، اجق ماسوق
تیدور دغن دي. * تافي یوسف تاءسیر. دي کات :

ایختله، توان سره کا امب بلاک دالم رومه. تکه امب روق ار، ري تاءکنا بيمبغ اف سکارا. * کواس امب سروف دغن توان ده. ري تاءساغ بري سموا فرکارا، ملینکن سکارا، توان ني هق جاري بيني ري. بالس مان امب نق بوات جاهت کيني، فس بوات ساله کا توهن جوک ؟ * تافي بيني توان رومه کاچغ اجق يوسف کنف ۲ هاري. ولو ري بوات بالس تو فون، تافي يوسف تاءسير دغر کا ري اتوا تمو فون.

11-15 جاتوه ساتو هاري، يوسف ماسوق دالم رومه نق بوات کرج، اورغ لاین تاءار. * فس بيني توان رومه ماري فکغ باجو ري هيريت اجق کي تيدور دغن ري. يوسف فون فالبع لاري سلالو، تيغکل باجو ري دتاغن اورغ بتينا تو. * بيلا ري نمق کات يوسف تيغکل باجو لاري کي ده، * ري فون برجريت، فغکیل اورغ هق کرج درومه ري ماري. تيقوقله، ري کات، توءلاکي اکو باوا کليق اورغ عبراني ني، نق بوات هينا کا اکو. ري ماسوق دالم بيليق نق بوات جاهت. * هاوا اکو جریت، ري لاري سلالو، تيغکل باجو ري دسيني.

16-18 لفس تو بيني توان رومه تاروه باجو يوسف سمفي لاکي کليق. * فس ري رويت کا لاکي ري سروف سائي، کات: همب هق ابغ باوا کليق، اورغ عبراني تو، ماسوق دالم بيليق نق بوات جاهت کا امب. * تافي با امب جریت سوارا درس، ري فون لاري، تيغکل باجو هق ري، نيه ! 19-23 بيلا دغر هق بيني ري رويت سائي، کات: همب ابغ بوات کا امب بالس تو، * لاکي ري فون نايک موريه، سوروه اورغ کي ايکت يوسف بوبوه دالم کوک هق راج. فس

یوسف فون کنا دوق دسیتو. * تافي توهن دوق سکالي.
 دي تورون رحمة اتس یوسف، بري کتوا کوق برکنن کا دي.
 * کتوا کوق فون بري یوسف تولوغ چارا کا سمو اورغ دالم
 کوق. سور سکالي، دي جاري اورغ تڦگوغ جواب سمو
 کج هق کنا بوات دالم تو. * کتوا کوق فون تاءکنا کيرا
 اف سکارا هق یوسف دوق جاڭ، کران توهن دوق سکالي،
 بري برجاي اف ۲ هق یوسف بوات.

یوسف فندي رويت معنا دالم ميمفي

کجاردین، باب 40: 1-19

1 - 4 لفس فد تو بايق هاري جوڭ، منتری هق دوق
 اغکيت اير بواه جابيت کا فرعون، راج مصير تو، سکالي دغن
 کتوا اورغ هق باکر روتي کا دي، بوات ساله بري راج
 موريه. * راج فون سوروه ايکت دي، بري دوق کوروغ
 درومه کفلا عسکر دالم کوق، تمفت هق یوسف دوق تو.
 * کفلا عسکر فون بري یوسف جاڭ کدوا منتری تو،
 سروف کولي دي، فس دوا اورغ تو فون دوق کوروغ لام
 جوڭ.

5 - 8 جاتوه ساتو مالم، دوا اورغ تو ميمفي، ياءيت منتری
 هق اغکيت اير بواه جابيت تو، دغن سائين دي هق
 بياس باکر روتي کا راج دولو. فس کدوا تو ميمفي تاءسروف،
 دغن معنا ماسيخ ۲. * فاکي ايسوق، یوسف ماسوق تمفت

ري ، فس فرهاتي تیڤوق کا موک ري نمفق روسیځ . * یوسف
فون تان : باءاف توان کدوا ني ، ایر موک نمفق لائین
هاري ني ؟ * اورځ تو فون جواب : کیت کدوا ني سام
میمي ، تافي تاءار اورځ فندي تعبیر رویت معنا ري . یوسف
کات کا ري : توهنله هق بري ارتي معنا میمي ۲ تو . چوب
رویتله ، امب نق تاهو میمي توان بالس مان ؟

9-11 فس منتری هق اغکیت ایر بواه جابیت ، رویت دولو
حال هق ري میمي ، کات : دالم میمي کو ار فوهون
جابیت سفوهون دوق داءفن کو . * فوهون تو چابځ
تیک . تییا ۲ نمفق بوغا توییت ، کمبځ سلالو ، جاري بواه ماسق
رغن سبنتر تولا . * فس لاگي ، چاون هق راج دوق
رتاغن کو . اکو فون کي امیق بواه جابیت هق ماسق تو ،
فره دالم چاون بري کا راج ماکن . بالس توله هق اکو میمي .
12-15 یوسف فون کات : معنا ري بالس ني . هق تیگ
داهن تو ، معنائ تیگ هاري . * دالم تیگ هاري راج
نق اغکیت توان بري تیځي فول ، نق لتق کلیق دفریځت
هق سديا . فس توان نق هولور چاون راج کا تاغن ري
سروف دولو . * تافي جاغن ترلوفله کا امب ، یوسف کات ، تکه
توان دوق سنځ تو . ایځتله کا بوري امب ، فس سبوت
دءفن راج چارا حال امب . تولوغلله بري امب بولیه لفس
فد کوق ني . * سبب امب کنا رمفس دنکري اورځ عبراني
دولو ، فس دوق دسیني فون ، تاءار بوات اف سکارا هق
سوځ نق بري امب ماسوق گوف .

16-17 بیلا کتوا هق کرج باکر روتي تاهو کات ، هوراین
میمي هق سائین ري تو مولیق ، ري رویت کا یوسف کات .

کجاردین 40: 16-19

اکو فون میمفی جوک . اکو روق جونجوغ روتي تيگ باکول .
 * باکول هق لافیس اتس ، ار روتي ماچم ۲ انتوق راج
 سندیري ، تافي تکه روق جونجوغ تو ، بوروغ ۲ ماري چوري
 ماکن روتي هق راج . بالس توله هق اکو میمفی .

18-19 یوسف فون کات : هق توان میمفی بالس ني . تيگ
 باکول تو جاري تيگ هاري جوک . * رالم تيگ هاري تو ،
 راج نق اغکیت توان بري تیغکي جوک ، دغن فنچوغ تکق
 سوروه اغکیت توبوه توان دفوهون کايو . فس بوروغ ۲ تو نق
 ماري چوبیق ایسی توان ماکن .

هق یوسف رویت تو بتولن بلاک

کجاردین ، باب 40: 20-23

20-23 لفس فد تو تيگ هاري ، جاري هاري برانق هق
 راج . ري فون بوات جاموان انتوق سموا اورغ باوه راکو
 ري . منتري روا اورغ تو فون ، راج سوروه امبیق توبیت
 باواء ماري بري روق دافن سموا اورغ تو . * اورغ هق
 کرج ایر بواه جابیت تو ، راج اغکیت دغن لتق کلیق فریغکت
 هق سدیا . * کتوا هق کرج باکر روتي فول ، ري حکوم
 بونوه ، فس سوروه اغکیت توبوه بري تیغکي دفوهون کايو ،
 سروف یوسف رویت دولو . * تافي منتري هق کرج ایر بواه
 جابیت ساءني ، ري تاءایفت کا یوسف ، فس ري ترلوف هق
 یوسف مینتاء تو .

راج بيمبڻ چارا حال ميمفي ري

ڪجارين ، باب 41 : 1 - 8

4 - 1 لفس فد تو روا تاهون لاڳي ، راج مصير سنديري
ميمفي ڪات ري روق برديري دتفي سوڻي ناءيل ، نمفق
لمبو توجوه ايڪور ناءڪ رالم اير ، توبوه ڪموق ميق ، روق
ماڪن رمفوت لالڻ دتفي سوڻي . * فس ار لاڳي توجوه ايڪور
لمبو هق ڪوروس ، نمفق تولڻ سرڪيڻ ، ناءڪ رالم اير تو .
ري ڳي روق دتفي سوڻي رڪت لمبو ۲ هق ڪموق سائي .
* فس هق ڪوروس تلن هابيس هق ڪموق . راج فون ترڪجوت
جاڳ .

5 - 7 لفس تو راج چندرا سمولا ، فس ميمفي سڪالي لاڳي
نمفق ڪندوم سڦوهون توبيت توجوه تڱڪائي هق ماسق دڻ
ايسي فنوه . تيا ۲ توبيت توجوه تڱڪائي هق تاءار ايسي ،
ڪچوت ڪريڻ سابت اڳين فانس . * فس ، هق تاءار ايسي تلن
هق ايسي فنوه سائي . راج فون جاڳ تيدور سلالو ، بارو ري
تاهو ڪات ميمفي .

8 فاکي ايسوق ، راج براس بيمبڻ اتس ڪجارين سالم .
ري فون سوروه ماري ڪا تمفت ري سلالو ، سما اورڻ دنڪري
مصير هق بيچق فندي اتوا هق ار علمو حيمڪه فون . فس
راج رويت حال ميمفي ري ڪا اورڻ ۲ ني . تافي تاءار
سئورڻ هابوق بوليہ تعبير بري تاهو معنا ميمفي تو .



منتري راج بارو ايڻت ڪا يوسف

ڪجارين ، باب 41 : 9 - 24

9 - 11 تافي منتري هق اڻڪيت اير بواه جابيت تو کات ڪا راج : يا توانڪو، امب بارو ايڻت ڪا ماس امب بوات ساله دولو، * فس توانڪو موريه، بري امب ماسوق ڳوق سڪالي دغن اورڻ باڪر روتي تو. * ماس تو، ڪيت ڪدوا ميمفي مالم تولا، تافي معنائ تاءسروف.

12 - 13 فس ار اورڻ مودا بفسا عبراني سئورڻ، هق جاري ڪولي ڪفلا عسڪر دالم ڳوق تو. بيلا رويت ڪا ري هق ڪيت ميمفي، ري بوليہ رويت سلالو معنا ميمفي ۲ تو، ڪات امب نق ڪليق ڪا تمفت سديا، تافي اورڻ باڪر روتي ڪنا حڪوم بونوه. * فس جاري، سروف هق ري رويت.

14 - 15 بيلا دغر حال تو، راج فون سوروه اورڻ ڪي امبيق يوسف ماري. فس اورڻ ڪي، امبيق توبيت دالم ڳوق سلالو. يوسف فون چوڪور ڪفلا، سالين ڪائين بارو، ماري مفسهارف راج. * راج ڪات ڪا ري : اڪو ميمفي، فس تاءار سياف بوليہ تعبير رويت معنا ميمفي ڪو، تافي اڪو دغر ڪات مو بوليہ رويت حال تو.

16 يوسف ڪات: يا توانڪو، سسوغڳوهن، بوڪن امب هن فندي، تافي توهن، هق نق بري توانڪو تاهو معنا ميمفي تو.

17 - 18 لفس تو راج رويت ڪات: ميمفي ڪو بالسني. اڪو دوق برديري دتفي سوڻي نائيل، * فس ار لمبو توجهه ايڪور هق ڪموق ميق، ناءڪ دالم اير تو دوق ماڪن رمفوت لالغ دتفي سوڻي.

- 19-21 فس ار لاڳي ، توجهه ايكور هق كوروس ، نمفق تولغ سروكيځ ، ناءيك رالم اير . هودوه سوځگوه ، تاءيباس تمو سروف تو رنكري كيت . فس هق كوروس تو ځي تلن هابيس هق كموق . * تافي نمفق سروف تاءماكن اف سكارا ، دوق كوروس سروف تولا . لفس تو اكو جاځ تيدور .
- 22-24 فس اكو ميمفي سكالې لاڳي ، راج كات ، نمفق فوهون ځندوم سفوهون توبيت توجهه تځكائي هق ماسق دغن ايسي فنوه . * فس توبيت فول توجهه تځكائي هق تاءار ايسي ، كچوت كريځ سابيت اغين فانس . * فس هق تاءار ايسي ځي تلن هق ار ايسي . اكو فون ځي رويت كا سموا اورځ ۲ كو هق بيجق فندي ، تافي تاءار سئورځ هق بوليه تعبير ميمفي تو ، بري اكو ارتي .

يوسف بوليه تعبير رويت معنا ميمفي تو

کجارين ، باب 41 : 25-36

- 25-27 يوسف كات : يا توانكو ، هق توانكو ميمفي ، كدوا تو معنا سروف . دغن ميمفي ۲ ني فون ، توهن بري تاهو ده كا توانكو ، هق مان ري نق بوات كوء راءفن . * لمبو هق كموق توجهه ايكور دغن ځندوم هق موليق توجهه تځكائي تو ، معنا سروف ، جاري توجهه تاهون . * فس ، لمبو هق كوروس دغن ځندوم هق تاءار ايسي تو ، جاري توجهه تاهون جوځ . رالم توجهه تاهون ني ، نق كماراو بسر .

28-29 جاري سروف امب رویت ده سائي ، يوسف کات. دغن

ميمفي ني ، توهن بري تاهو ده کا توانکو، هق مان ري نق
بوات کو دافن . * دالم توجه تاهون هق دافن ني ،
نق بوليه حصن موليقي دالم نكري مصير.

30-31 لفس تو، توجه تاهون لاکي ، نق جاري کماراو بسر.

فس اورغ نق لوف کا ماس هق سنغ دولو . * سموا هق
بوليه ده فون ، اورغ نق لوف، سبب کماراو هق کديان نق
تروق سوغکوه.

32-34 هق توانکو ميمفي روا کالي تو، يوسف کات، سبب

توهن نق بري تاهو کات تنتو ده، فس تاءلام ، نق جاري .
* سابيت تو، باءيك توانکو لتق اورغ جاري مندور دسرات
تمفت نكري ني ، انتوق کوتيف حصن ، تاروه سکیان دالم ليم ،
دالم ماس توجه تاهون هق موليقي تو . * فس، بري توانکو
فيليه سئورغ هق بيچق فندي ، لتق ري جاري کتوا اتس
سموا کرج ني .

35-36 فس فواق مندور ۲ تو، توانکو کنا بري کواس کا ري

بوليه کوتيف بارغ مکانن ، باواء ماري تاروه دالم بندر ۲ بسر،
هق فواق تو دوق جاگ سعمور . * بارغ تو فون کنا چارغ
تاروه، انتوق توجه تاهون هق نق جاري بالا دسيني .
بالس توله، کماراو بسر تاءبري فونه هابيس سموا دالم نكري
ني .



راج لتق يوسف جاري كتوا اتس كرج تو

كجارين ، باب 41 : 37-45

37-38 راج دغن منتري دي سماو ستوجو دغن چارغن يوسف ساءني . * راج فون کات کا منتري ۲ دي : نق چاري رمان لاگي اورغ هق روح توهن بري بيچق فندي سروف ني؟ 39-41 فس دي فالېغ کات کا يوسف : موله هق توهن بري تاهو سماو فرکارا ني . تنتوله مو هق بيچق فندي لبيه فد اورغ لائين . * اکو نق بري سماو درومه کو ني روق باوه کواس مو . رعيت ۲ کو سماو فون کنا توروت سوروهن مو ، تاءار سياف هق لبيه فد مو ملينکن اکو ني ساج . * جق رهاري ني ، اکو لتق مو جاري کتوا اتس سماو نگري مصير . 42-43 دي فون چابوت چينچين هق ار چف راج بوبوه رجاري يوسف ، فس بري کا دي کائين فکائين هق مهل ، دغن کالوم امس ، * بري دي نائيک کريتا کودا راج هق کدوا ، دغن عسکر ۲ هق کي دولو سوروه اورغ تونجوق حرمة کا يوسف . بالس توله ، دي لتق يوسف جاري کتوا اتس سماو نگري مصير .

44 فس راج کات لاگي : اکو هق جاري راج مصير ني ، برجنجي کات ، تاءار سئورغ رالم نگري مصير ني ، براني نق بوات کرج اف ۲ فون ، کالو مو تاءجوغ .

45 فس راج لتق نام بهاس مصير اتس يوسف ، ياءيت زافينه فانياخ ، فس بري بيني کا دي ، هق نام دي اسنة انق فوتيفيرا ، سئورغ امام اوگام مصير دبندر نام عون . بيلا يوسف توبيت فد تمفت تو ، دي فون جاري کتوا اتس سماو نگري مصير .

يوسف دوق تځگوغ جواب اتس نگري مصير

کجارين ، باب 41 : 46 - 57

49-46 تکه يوسف جاري من تري راج ، عمور دي تيگ فولوه
 تاهون ده . با تويت فد تمفت راج ، يوسف فون برجالن
 رات ۲ دالم نگري ، نق بوات کرج تو . * دالم فرياغ توجوه
 تاهون هق موليق ، * يوسف سوروه اورغ کوتيف تاروه سما
 حاصلن تو ، باوا ماسوق دتمفت ار بندر . دي سوروه تاروه
 حاصلن تيف ۲ تمفت د بندر هق دکت ۲ تو . * فاري دغن
 کندوم هق تاروه تو ، بايق سوځگوه ، سروف فاسير دفتي ،
 سمفي يوسف تاءليه کيرا ده ، سما هق دوق تاروه تو .
 52-50 بلوم فد کماراو تو ، يوسف بوليه انق جنتن روا اورغ ،
 دغن بيني دي اسنه . * هق سولوغ يوسف لتق نام مناسيح
 (معناش بري ترلوف) . دي کات : لاني توهن بري اکو
 ترلوف کسوساهن کو هق لفس ده ، دغن سما اديق براديق
 هق ار درومه ايه کو . * انق سئورغ لاکي ، يوسف لتق
 نام ايفرائيم ، (معناش بري انق) . دي کات : توهن بري
 انق کا اکو دنگري ني ، تمفت هق اکو بياس کنا سوسه دولو .
 55-53 بيلا چوکوف توجوه تاهون هق موليق تو ، * ماسوق
 توجوه تاهون هق کماراو فول ، سروف يوسف رویت دولو .
 فس جاري کماراو دسما نگري سبله تو ، تافي نگري مصير
 ساج ، هق ار چوکوف نق ماکن . * بيلا هابيس ده ، ماکن
 هق اورغ مصير تاروه درومه دي ، دي فون کي مينتاء تولوغ
 دغن راج . فس راج سوروه دي کي برهوبوغ دغن يوسف ،
 کات : کيله کيرا دغن دي ، فس اف ۲ هق دي فسن ، بوات
 هق تو .

56-57 بيلا يوسف نمفق کات هابيس ده مکانن ډنگري تو ،
 ډي فون بوک سموا تمفت هق تاروه فاري دغن ګندوم
 ډولو ، جوال کا رعيت مصير ، کران کماراو بري سوسه سوځکوه .
 * فس بوکن اورغ مصير ساج ، تافي اورغ ډنگري لاهين فون
 ماري چاري نق بلي دغن يوسف جوک ، کران کماراو بري
 سوسه سرات تمفت سبله تو .

کاکو ۲ يوسف کي بلي ګندوم ډنگري مصير

کجارين ، باب 42 : 1-16

2-1 بيلا يعقوب دغر خبر کات ډنگري مصير اړ ګندوم ،
 ډي فون کات کا انق ۲ ډي : باءاف مو دوق بيمغ ساج ،
 تاءبوات اف ؟ * اکو دغر کات ډنگري مصير اړ ګندوم . مو
 ګيله بلي ديق نون ، بري کيت بوليه دوق ، تاءکنا ماتي مومر .
 3-5 کاکو ۲ يوسف سږلولوه اورغ فون ، کي نق بلي ګندوم
 ډنگري مصير . تافي اړيق هق مق تولا دغن يوسف ، نام
 بينجامين ، يعقوب تاءبري کي ، تاکوت نق جاري اف کا ډي .
 * بالس توله انق ۲ يعقوب کي سکالي دغن اورغ رامي ، نق
 بلي ګندوم ، کران اورغ ډنگري کنعان ډي تاءچوکوف نق
 ماکن جوک .

6-7 فس يوسفله هق جاري کتوا اتس کرج تو ډنگري
 مصير . ډي هق بنر بري جوال کا سموا اورغ هق ماري نق
 بلي . کاکو ۲ ډي فون ماسوق تونجوق حرمة ډاهن يوسف

* با یوسف تیغوق، کنل سلالو کاکق ری. تافی ری بوات سروف اورغ لائن، فس کیچیق درس کات: مو ماری دمان؟ فواق تو جواب: کیت ماری رنگری کنعان نق بلی بارغ مکانن دسینی.

8-9 بالس توله یوسف کنل ادیق برادیق ری، تافی فواق تو تاءکنل ری. * یوسف فون ایشت سلالو، هق ری میغی ماس دولو چارا حال کاکق ۲ ری. سابیت تو ری کات: رق! مو جاری مات کلف. مو ماری نق تاهو رنگری کیت لمه کا رق.

10-11 کاکق ری کات: رق، توانکو. همب توانکو ماری نق بلی مکانن ساج. * کیت سموا نی ادیق برادیق، فس کیت اورغ جوجور بوکن جاری مات ۲.

12-13 تافی یوسف کات: رق! مو ماری نق تیغوق رنگری کیت لمه کا رق. * فواق تو جواب فول: یا توانکو، امب سموا جاری ادیق برادیق روا بلس اورغ، فق تولا، روق رنگری کنعان بلاک. ادیق کیت ماتی ده سئورغ، فس ار لاکي هق بوغسو، روق دغن ایه درومه.

14-16 تافی یوسف کات لاکي: رق! مو جاری مات کلف جوک، سروف اکو کات ده. * تافی اکو نق تیغوق، چریتا مو سوغکوه کا رق. اکو جنجی دغن سومفه اتس نام راج مصیر، کات اکو تاءفس فواق مو، ملینکن مو کي امبیق ادیق بوغسو ماری سینی دولو. * سئورغ دالم فواق مو کلیق امبیق ری، هق لائن کنا ماسوق کوق دسینی ننٹی تیغوق هق مو کیچیق تو سوغکوه کا رق. کالو تاءماری، معنان مو ساله ده، مو جاری مات کلف سوغکوه. فس نق جاری سروف اکو سومفه ساءنی.

يوسف بوه كاكق ري رالم كوق

کجاریں ، باب 42 : 17-24

17-18 لفس تو، يوسف بوبوه ڪاڪق ري رالم ڪوق سموا
سڪالي، بري روق بالس تو تيگ هاري. * چوڪوف تيگ
هاري، ري ڪي ڪيچيق رغن ڪاڪق ري ڪات: ڪالو مو
تاءبوهوڻ، بوات توروتله هق اڪو سوروه ني، فس مو نق
سلامت، ڪران اڪو ني اورغ هق روق طاعة ڪا توهن، نق
بوات هق عادي.

19-21 سئورغ دالم فواق مو كنا دوق دسيني . هق لائين
 بوليه باواء كليق گندوم ، بري كا اورغ درومه هق كورغ مكانن .
 * لفس تو ، باواء اريق بوغسو ماري سيني فول . بالس تو ،
 مو بوليه تونجوق كات مو اورغ جوجور كا دق ، فس دالم
 فواق مو تاكنا ماتي سئورغ هابوق .

فواق کاکق فون ستوجو سلالو. * فس ري روق
کيچيق سام ري کات: کيت ساله سوځگوه چارا حال اريق
کيت دولو. کيت بولييه نمفق ستارا مان ري سوسه هاتي،
تکه ري مينتاء کسياغ بلس دغن کيت ماس تو. تافي کيت
بوات تاء دغر. سابيت توله، بالا تيمفا اتس کيت لاني.

22 فس ريوبين ، كاكق هق سولوڭ تو، كات: اكو رويت
ده كا مو هاري تو، كات جاغن مو بوات ساله كا بورق تو،
بوكن؟ تافي مو تائسير دغر. نيله، توهن نق بالس پاوا ري.

23-24 يوسف اړتي دغر هق دي دوق کيچيق سائي، تافي
فواق تو تاءاهو کات دي اړتي، سبب دولو، نق کيچيق
دغن دي، کنا ار اورغ باليق بهاس. * يوسف فون فالينگر

کجاردین 24 : 42

کي کوء لائين، کران اير مات دي منيليه. سبنتر لاگي دي
ماري روق کيچيک دغن کاکق فول. فس دي فيليه سيميون،
سوروه بوه رنتي راءفن اريق براديق دي سموا.

کاکق ۲ يوسف کليق کا نگري دي دولو

کجاردین، باب 42 : 25 - 34

25-26 لفس تو، يوسف سوروه اورغ بوبوه کندوم دالم گوندي
کاکق ۲ دي. فس رویت هق فواق تو باير هرک کندوم
دولو، دي سوروه بوبوه کليق دالم گوندي دي ماسيغ ۲. فس،
دي بري بکل لاگي، انتوق ماکن تغه جالن. * بيلا سيف
ده، کاکق ۲ دي فون موات کندوم اتس هيصر دي، توبیت
کي سلالو.

27-28 بيلا دي برادو مالم تو، سئورغ بوک گوندي هق دي،
نق بري ماکن کا هيصر. دي فون نمق سلالو رویت هق
دي باير دولو تو، ار دالم گوندي. * دي فون فغکيل
اريق براديق دي کات: اوه! تيغوقله، دي بري کليق
رویت کو، روق دالم گوندي ني. بيلا دغر بالس تو، فواق
دي ترکجوق، فس دي روق کيچيک دغن کتر کنالغ کات:
باءف توهن بري جاري اتس کيت بالس ني؟

29-32 بيلا دي سمفي کا تمفت ايه دي دنکري کنعان تو،
دي فون رویت سلالو، سموا هق جاري اتس دي دنکري
مصير، کات: * اورغ هق جاري کتوا نگري تو، دي کيچيک
کاسر دغن کيت، کات کيت جاري مات کلف ماسوق دالم

نڱري ري . * تافي کيت کات: رق! کيت اورغ جوجور ،
بوکن مات کلف . * اريق براديق کيت سمو روا بلس اورغ ،
فق تولا . اريق ماتي ده سئورغ، ار لاکي هق بوغسو ،
دوق دغن ايه رنڱري کنعان نون .

33-34 تافي ڪتوا تو ڪات بالس ني : اڪو نق تيغوق ڪات

مو اورغ جوجور کا رق . سئورغ دالم فواق مو کنا روق
 دسیني رغن اکو . فس هق لاءین ۲ بولیه باواء گندوم کلیق ،
 بری ماکن کا اورغ هق کورغ درومه ۲ مو . * لفس تو ، اورغ
 تو کات : مو کنا باواء ادیق بوغسو ماری سینی ، بارو
 اکو تاهو کات مو جاري اورغ جوجور بوکن مات کلف . فس
 اکو نق لفس کاکق مو هق روق دسینی ، نق بری فواق مو
 بولیه منیاک گی ماری سمور دالم نگری نی .

يعقوب تائسير بري انق بوغسو

کئی کا نگری مصیر

کجاریں ، باب 42 : 35-38

35 سود رویت چریتا، فواق تو فون مولا۽ي بوک گوندي ۲
تو. تینا۲ نمفق رویت هق دي بایر دولو، روق ار رالم
تیف۲ گوندي. بیلا ایه رغن انق۲ دي نمفق رویت، سموا
تو براس تاکوت.

36 فس ايه ري کات: دغن کران موله، اکو لوچوت دغن
انق ۲ کو يوسف دولو، فس تو سيميون فول. فس لاني، مو
نق امبيق بينجامين کي لاکی. سموا ني روق اتس اکو.

کجارين 42 : 37-38

- 37 تافي ريوبين کات: کالو امب تاءباوا بينجامين کليق،
ايه بوليه امبيق انق امب روا اورغ، بونوه گنتی. سره دي
کا امب له، فس امب جامين نق باوا کليق کا ايه فول.
- 38 تافي ايه ري کات: رق! اکو تاءبري ري کي رغن
مو. کاکق ري ماتي ده، تيفگل ري سئورغ، انق هق مق
تو. اکو ني اورغ توا رغن رمبوت اوين ده. کالو اف
جاري اتس ري تغه جالن، موله هق بري اکو، اورغ توا
ده ني، کنا ماتي کران سديه هاتي.

کاکق ۲ يوسف روق مسورت رغن ايه ري

کجارين باب 43 : 1-14

- 5 - 1 ماس تو، کماراو تروق لاکي دنکري کسان. * فس
يعقوب سوروه انق ۲ ري کي بلي بارغ مکانن فول. * تافي
انق ري نام يهودا کات: اورغ هق جاري کتوا تو بري
امران کرس، کات کالو کيت تاءباوا ماري اريق بوغسو، کيت
تاءليه ماسوق کا تمفت ري ده. * سبب توله، کالو ايه
بري اريق کي، تاءاف، فواق امب نق کي بلي بارغ تو.
* تافي کالو تاءبري، امب فون تاءسير کي، سبب اورغ تو
رويت ده کات، تاءليه ماسوق کا تمفت ري، هليکن باوا
اريق بوغسو کيت کي سکالي.
- 6 - 7 يعقوب تان کات: کان مو روق رویت کا اورغ تو
کات ار اريق سئورغ لاکي؟ مو نق بري اکو سوسه لاکي
که؟ * انق ري جواب: رق، اورغ تو روق تان کيت رغن

هالوسي کات: ايه مو ار لاکي ؟ فس، اريق ۲ ار کارق ؟
امب فون رویت ايکوت هق ري تان تو. امب تاءسڦک کات
ري نق سوروه باواء اريق کي .

8-10 فس يهودا کاچ مینتاء دغن ايه، کات: بريله ري
کي، فس کيت نق توبیت کي سلالو، نق بري سموا دالم
کلوارک کيت ني، بوليه سلامت، تاءکنا ماتي مومر. * امب
نق جامين توبوه ري، يهودا کات. ايه هارفله کا امب
سکالي. کالو امب تاءباواء اريق کلیق ماري دغن سلامت،
امب کنا دوق ساله کا ايه سعمور هيدوف. * سسوغکوهن،
کالو کت تاءجاري تالر بالس ني، بوليه کي کلیق دوا کالي
ده کا نگري مصير.

11-12 سور سکالي ايه ري بئر بري، کات: کيله،
تافي مو کنا باواء کي هديه کا کتوا تو کاتيقي. چاريله بارغ
دنگري کيت هق اورغ برکنن، سروف اوبت ۲ لومور، مانيسن
مارو، کته، دغن ميقي واغي هق مهل، بوتير کتيرم دغن لاین ۲
لاکي، سيمفن بوه دالم بکس هق نق باواء کي. * فس رویت،
مو کنا باواء کي لبیه فد هق دولو دوا کالي کندا. فس
رویت فيرق هق ري بوه کلیق دالم گوندي مو فون، کنا
باواء کي کاتيقي. بڦکالي ري بوات دغن تاءمیکير.

13-14 فس باواءله اريق بوغسو مو کي کا تمفت اورغ تو،
يعقوب کات. * اکو فون نق مینتاء دغن توهن بیغ مهاتيڦکي،
نق بري اورغ تو کسياغ بلس کا مو، انتوق بري لفس کاکق
مو ديق نون، بري بوليه کلیق سکالي دغن اريق مو
بينجامين ني. تافي، کالو انق ۲ کو کنا لوچوت دغن اکو،
بلرله جاري !

فواق تو باواء بينجامين کي کا مصير

کجارين ، باب 43 : 15-22

15-16 فواق تو فون توبيت کي ، دغن بارغ ۲ هق نق هديه ، دغن رویت هق روا کالي گندا تو ، سکالي دغن اريق ري بينجامين ، کي سمفي کا نگري مصير ، فس ري ماسوق دوق راءفن يوسف فول . * بيلا يوسف نمفق کات بينجامين ار ، ري سوروه کتوا درومه ري کات : باواء فواق ني کي کرومه اکو سلالو . سمبليه بناتغ سيمفن مکانن نق بوات جاموان ، کران اکو نق ماکن سکالي دغن فواق ني ، تغه هاري هاري ني .

17-18 کتوا تو فون بوات توروت سوروهن يوسف ، باواء فواق تو کي کا رومه يوسف . * ماس تو ، اريق براديق يوسف براس تاکوت ، کران اورغ باواء ري کي کا رومه يوسف بالس تو . ري دوق فيکير کات : کان ، ري باواء کيت ماري سيني ؟ سابيت رویت هق دوق دالم گوندي تو که ؟ تاکوت ري ننتي فلواغ نق ترکم رمفس هابيس بارغ دغن هيئر کيت ، فس نق بري کيت جاري همب ري .

19-22 سبب تو ، ري برهنتي دفينتو رومه کيچيق دغن کتوا دولو ، کات : * معاقله توان ، فواق امب ماري بلي بارغ دسيني ده دولو . * تکه کليق تو ، کيت برادو تغه جالن . فس بيلا بوک گوندي ، نمفق رویت هق باير ده هرگ گندوم تو ، دوق دالم تيف ۲ گوندي ، ار چوکوف تاءکورغ سيکيت هابوق . * کيت تاءتاهو سياف ري بوبوه رویت دالم گوندي تو . فس کيت ماري ني ، نق سره کليق رویت تو ، فس لاني ار لاکي رویت نق بوات بلي سمولا .

کتوا جواب کات: مو جاغن تاکوتله، روقله بري سئغ.
 تنتو توهن هق فواق مو روق سمبه سروف ایه مو رولو،
 ریاله هق بوبوه رویت تو رالم گوندي، انتوق مو. امب
 تریما ده رویت هق مو بایر تو. لفس تو، کتوا گي امبیق
 سیمون ماري کا تمفت ري.

یوسف ماري تمو رغن بینجامین

کجارین، باب 24 : 43 - 34

24-25 فس، کتوا باواء سموا اریق براریق ماسوق رالم رومه،
 امبیق ایر بری ري باسوه کاکي. فس تو ري توبیت گي
 نق بری ماکن کا هیمر۲ رولو. * تکه تو، فواق کاکق روق
 سیمفن بارغ۲ هق نق هدیه کا یوسف، سبب ري تاهوره،
 تغه هاري یوسف نق ماکن سکالي رغن ري.
 26-28 بیلا یوسف کلیق، فواق تو فون باواء توبیت هدیه،
 بری کا ري رغن سجور حرمة. یوسف فون تان ري:
 بالس مان لاني، فواق مو؟ فس ایه مو، اورغ توا تو هق مو
 روق رویت رولو، بالس مان لاني؟ ري ار لاگي که؟ * فواق
 تو جواب: ار لاگي، تاءار اف۲. تکه تو، اریق براریق
 یوسف فون روق مرندہ ریری ري راءفن یوسف لاگي.

29


بیلا یوسف نطق بینجامین، ادیق هق مق تولا دغن
 دي، دي فون تان: نیکه ادیق بوغسو هق مو رویت دولو؟
 فس تو دي اوچف سلامت اتس بینجامین کات: بریله توهن
 توروں رحمة اتس مو سعمور.

30-32

یوسف فون براس سبوق ساشت، تیغوق کا ادیق دي.
 دي فون باغون کي، ماسوق دالم بیلیق هق دي، فس دوق
 تریاق دسیتو. * بیلا دي بولیله اور، دي باسوه موک
 تویت ماري فول، سوروه اغکیت مکانن سلالو. * اورغ اغکیت
 هیداغن لتق دتمفت ماسیغ۲. یوسف دوق ماکن سئورغ دي،
 ادیق برادیق دي دوق سفواق، تافي اورغ مصیر دوق
 سوکو فول، سبب دي تالیله ماکن سکالي دغن اورغ عبراني،
 دي کات ساله حکوم بسر هق دي.

33-34

فواق ادیق برادیق تو دوق دافن یوسف دتمفت
 اورغ لتق انتوق دي، امبیق درفد هق سولوغ هیغک سمفي
 کا هق بوغسو. ادیق برادیق یوسف فون براس حیران،
 تیغوق اتوران هق دي دودوق تو. * فس، تکه دوق ماکن،
 یوسف سوروه اورغ امبیق بارغ سدرف دالم هیداغن دي، باواء
 کي کا ادیق برادیق دي. تافي کا بینجامین، دي سوروه
 بري لبیه۲ لاگي فد کاکق۲ دي، لیم کالي کندا. سموا فواق
 تو فون دوق ماکن مینوم سکالي دغن یوسف، سهیغک دي
 کیغ بلاک، فس دوق رامي۲ سموا سکالي.



يوسف سوري هاتي ڪاڪق ۲ ري

XX

ڪجارين ، باب 44 : 1 - 17

- 1 - 2 فس تو، يوسف سوروه ڪتوا ڪرج درومه ري ڪات: بوه بارغ مڪانن دالم ڪوندي ري، سڪت مان ري بوليہ باواء ڪليق. فس رویت هق ري باير تو، بوه ڪليق دالم ڪوندي تيف ۲ اورغ. * تافي دالم ڪوندي اديق بوغسو تو، مو بوه چاون فيرق هق اڪوسڪالي دغن رویت تو، فس تو بري ري ڪي. ڪتوا فون ڪي بوات سروف تو.
- 3 - 5 فاڳي ايسوق، ڪتوا فون بري اديق براديق يوسف توبیت ڪي دغن هيمر ۲ ري. * بيلا ري لفس فد بندر سيڪيت، يوسف سوروه ڪتوا تو، ڪات: ڪيله توروٽ فواق تو! بيلا مو سمفي ده، تان ري ڪات: باءاف مو بالس بوري دغن بوات جاهت؟ * باءاف مو چوري چاون فيرق هق توان امب؟ بوڪنڪه چاون ني هق ري فاڪي هاري؟ فس چاون ني هق ري فاڪي انتوق منيفوق ڪاتيقي. هق مو بوات ني ساله بسر.
- 6 - 9 ڪتوا فون ڪي سمفي ڪا فواق اديق براديق تو، فس ڪات سروف يوسف سوروه سائي. * تافي فواق تو جواب ڪات: باءاف چي ڪيچيق لاڳو ني؟ امب تاءبياس نيات نق بوات بالس تو. * ايغتلہ، رویت هق امب تمو دالم ڪوندي دولو، امب باواء ماري رنگري ڪنمان انتوق نق هنتر ڪليق ڪا چي. باءاف نق چوري مس اتوا فيرق فون، درومه توان هق چي ني؟ * چاريلہ، ڪالو تمو دالم بارغ اورغ مان، بونوهله اورغ تو، فس امبيق فواق امب سموا بري جاري همب ڪا توان هق چي ني.

10-13 اه ! کتوا کات، کالو کیتو تاءافله، اکو نق کي چاري،
فس هق سیاف ار چاون تو، اکو نق ایگت ري بري جاري
همب. هق لاین اکو تاءبوات بوکو اف سکارا. * لفس تو،
سمو اورغ باوا تورون گوندي، فاکت بوک ماسیغ ۲. * کتوا
فون کي فیقست دالم گوندي تیغ ۲ اورغ، امبیق ر هق
سولوغ سمفي کا هق بوغسو، فس تمو چاون تو دالم
گوندي هق بینجامین. * با تیغوق بالس تو، کاکق ۲ ري
سویق فکاین، تندا کات سوسه هاتي، فس فواق ري سمو
موات گوندي اتس هیمر فالیغ کي کا بندر تو فول.

14-15 بیلا فواق ادیق برادیق تو سمفي کا رومه یوسف،
یوسف روق ار دسیتو لاکي. فواق تو فون، تروم لوتوت
مرنده ريري راءفن یوسف. * فس یوسف کات: باءاف مو
بوات ساله لاگو ني؟ مو تاءتاهوکه اورغ هق چردیق سروف
اکو ني، بولیه تیلیق تیغوق بلاک هق اورغ بوات؟

16-17 یهودا جواب کات: بالس مان امب نق هوري کا
توانکو، نق بري لوچوت بوکو ني؟ کالو کیچیق فون توان
تاءفرچاي. رق! هق جاري اتس فواق امب ني، کران
توهن نق بوک بري نمق کسلاهن هق امب دولو. بريله
امب سمو ني جاري همب کا توانکو، سکالي دغن ادیق
بوغسو هق اورغ تمو چاون تو. * یوسف کات: اوه، اکو
تاءلیه بوات سروف تو. اورغ هق ار چاون ساج، اکو
نق بوات همب. فس فواق مو سمو کلیقله کا رومه ایه مو
دغن سلامت.



کجاریں ، باب 44 : 18 - 34

18-20 فس يهورا ماسوق رکت يوسف کات: معاقله، تافي
 همب توانکو نق کيچيق سيکيت. جاغن موريهله، کران امب
 تاهو ره، توانکو ني سروف راج. * توانکو ايشت کا رق،
 حق توانکو تان امب رولو کات: ايه رغن اريق حق لائين
 ار کا رق؟ * فس فواق امب رویت کات: ايه ار، تافي
 توا ره. فس اريق کيت ار روا اورغ لاکي، حق برانق تکه
 ايه کيت توا تو. حق کاکق ماتي ره، تيغکل اريق سئورغ،
 انق مق تو. سابيت تو ايه کاسيه سوغکوه کا ري.

23-21 فس توانكو سوروه امب باواء اريق ماري سيني نق
تيغوق ري . * امب فون رویت کا توانكو ره ، کات تاءليه
بري بودق تو کي جاءوه فد ايه . ايه تاءليه روق کالو ري
تاءار . * تافي توانكو کات : کالو تاءباواء ري ماري ، فواق
امب تاءليه ماسوق کا تمغت توانكو ره .

24-26 امب فون کليق کا تمفت ايه، رويت کا ري هق مان
توانکو سوروه . * لفس تو، روق تاءلام، ايه سوروه امب
ماري سيني نق بلي مکانن فول . * امب کات: تاءليه کي .
تافي، کالو ايه بري اريق بوغسو کي سکالي، تاءاف، کيت
نق کي . سبب فواق امب نق ماسوق کا تمفت ري تو تاءليه
ره، کالو تاءاوااء اريق بوغسو کي .

27-28 تافي ايه کات کا امب: دق! اکو دغن مق تو، بوليه
انق روا اورغ ساج. سئورغ هيلغ ده، بناتغ بيغکيغ ترکم
ماکن توبوه دي، فس اکو تاءليه تيغوق مات ري ده. * اکو
اورغ توا، رمبوت اوین. کالو مو امبيق هق بوغسو ني کي

کجارين 44: 29-34

جاءوه، فس جاري اف اتس ري، موله هق بري اكو اورغ
توا ني، کنا ماتي دغن سديه هاتي.

30-31 سابيت توله، يهودا کات، کالو امب کليق کا رومه دغن
تاءاوا بوردق ني کليق کاتيقي، ايه نق تيغوق سلالو کات
تاءاد، فس ري نق ماتي دغن ترکجوت، کران هيډوف ري
دوق برگنتوغ دغن بوردق ني ساج. بوات بالس تو، سروف
فواق امب بونوه ايه، اورغ توا دغن رمبوت اوين ده، بري
کنا ماتي کران سديه هاتي.

32-34 فس يهودا رويت لاگي: امب ني جامين ده دغن
ايه، کالو تاءاوا ري کليق، امب کنا دوق ساله کا ايه
سعمور هيډوف. * سابيت توله، امب نق مينتاء جوگ ۲ دغن
توانکو، بريله امب دوق دسيني جاري همب گنتي بوردق
تو. بري ري بوليه کليق دغن کاکو ۲ ري * اف فائده
امب کليق کا تمفت ايه، کالو بوردق ني تاءکليق سدکالي دغن
امب؟ امب تاءچيکف نق تيغوق ايه دوق سوسه بالس تو.

يوسف بري کنل ري کا اريق براديق

کجارين ، باب 45: 1-15

1-3 بيلا دغر بالس تو، يوسف براس سروف تاءليه اور ده،
تافي تاءسير کيچيقي دافن اورغ کرج درومه ري. ري فون
سوروه سموا تو توبيت گي دولو، ملينکن اديق براديق ري،
هق ري نق بري تاهو. * لفس تو، يوسف فون ترياق
مغيسق دغن سوارا درس، سهيفگ اورغ مصير هق دوق

دلوار، بولیه دغر سوارا دي، فس خبر تو گي سمفي کا
استان راج سلالو. * دالم ۲ تو، يوسف دوق کيچيق دغن
اديق براديق دي کات: اکو ني يوسف. سوغکوه کا دق،
ايه کو ار لاگي؟ تافي فواق تو تاءليه جواب سفاته، ترکجوت
ساغت، هاوا تاهو کات اورغ تو يوسف.

4 - 5 يوسف فون سوروه دي ماسوق دکت، دي فون ماسوق.

فس يوسف رويت کا دي فول، کات: اکو ني اديق مو نام
يوسف هق مو جوال دولو، بري اورغ باوا ماري کا نگري
مصير ني. * جاغن مو براس سوسه هاتيله. مو تاءسه
امبيق ساله اتس ديري مو، کران جوال اکو بري ماري سيني.
سسوگوهن توهن هق هنتر اکو ماري سيني دولو فد مو.
توجوان دي، نق بري بايق اورغ بوليه سلامت.

6 - 8 ني کماراو روا تاهون ده، فس نق کماراو ليم تاهون

لاگي. نق چوچوق تانم تاءليه، حصن فون تاءبوليه اف
سکارا دالم ماس تو. * سابيت تو، توهن هنتر اکو ماري
دولو، نق بري سلامت کا فواق مو، تاءسير بري باک کيت
هابيس. اينيله فرکارا بسر سوغکوه هق توهن بوات.
* گيتوله، يوسف کات، بوکن فواق مو هق هنتر اکو ماري
سيني، دق. سسوگوهن توهن. دياه هق بري راج مصير
توروت نصيحة کو سروف باف دي، سهيفگ اکو جاري کتوا
اتس رومه دي، فس لاني دوق مرينته اتس سموا نگري مصير.

9 - 11 لفس تو، يوسف سوروه کاکق ۲ دي کات: مو کليق

سلالوله، رويت کا ايه هق مان اکو فسن ني، کات، توهن بري
انق دي جاري کتوا اتس سموا نگري مصير. فس اکو سوروه
ايه ماري دسيني، جاغن بري لام. * ار تمفت دي بوليه
دوق، دمقيم نام گوشين، تاءجاءوه دغن اکو. بري دي باوا

کجاردین 45 : 10 - 15

ماری انق چوچو ری سکالی دغن کمبیغ بیریغ، لمبو۲، دغن سموا هق مان ار. * بیلا ری ماری روق ده دمقیم تو، اکو بولیه فارول سعمور. سبب ار کماراو لیم تاهون لاگی، فس اکو تأسیر بری ایه دغن سموا فواق ری مسکین کران کماراو نی.

12-13 لانی فواق مو نمفق ده کات اکو نی یوسف سوغکوه. فس بینجامین جوگ، بولیه جامین کات اکو نی جیلا ری. * کی رویتله کا ایه، کات کواس کو بسرستارا مان دنکری نی. بری ری تاهو سموا هق مو روق تیغوق دسینی، فس باواء ری ماری سینی باغت۲ دیه.

14-15 سور کیچیق بالس تو، یوسف فون کی فلقو ادیق ری بینجامین دغن تریاق مناغیس فول. بینجامین فون بالس تو جوگ. * فس تو یوسف کی کوچوف فیفی کاکق ری تیغ۲ اورغ، بلغ۲ روق تریاق مناغیس. لفس تو، باروله کاکق۲ ری بولیه کیچیق دغن یوسف.

~~~~~

### ادیق برادیق یوسف کلیق

### نق باواء ایه ماری فول

~~~~~

کجاردین ، باب 45 : 16 - 28

16-18 بیلا خبر سمفی کا رومه راج، کات ادیق برادیق یوسف ماری ده، راج دغن منتری۲ ری براس سوک هاتی. فس راج کات کا یوسف: * کیله، سوروه ادیق برادیق مو، موات

بارغ مکانن اتس هیمر دي ، کلیق کا نگري کنعان دولو ،
 * کي امبيق ايه دغن سموا کوارگ درومه دي ماري سيني .
 اكو نق بري کا فواق مو ، تانه هق مولیق سکالي دنگري
 مصیر ني ، تمفت دي نق بولیه ماکن دغن سمفرن ، فس نق
 بولیه حصن باپق سمور .

19-20 فس نیله هق اكو چارغ نق بري کا فواق مو ، راج
 کات امبقله کریتا ۲ لمبو دسینی ، انتوق موات بودق ۲ کچیک
 دغن اورغ ۲ بتینا ، باواء ماري دسینی سموا ، سکالي دغن
 ایه مو . * دي تائسه سایغ اف هق تیغکل دیق نون ،
 سبب اف ۲ هق مولیق دنگري مصیر ، نق بري جاري هق دي .
 21-24 انق ۲ یعقوب فون تریما فسنن تو . فس یوسف بري کا
 دي ، کریتا ۲ لمبو هق راج سوروه سائي دغن بکل انتوق
 ماکن تغه جالن . * فس یوسف بري کا دي فکاین هق بارو
 سچوت سئورغ . تافي کا بینجامین دي بري دویت فیرق تیگ
 راتوس کفیغ ، دغن فکاین بارو لیم چوت . * فس دي کیریم
 انتوق ایه دي جوگ ، هیمر سفولوه ایکور هق موات بارغ ۲
 مهل دنگري مصیر ، فس هیمر بتینا هق نق بولیه انق ،
 سفولوه ایکور لاگي . هیمر ۲ تو موات کندوم ، روتي ، دغن
 بارغ لاین ۲ نق بوات بکل انتوق ایه دي ماري فول . * تکه
 دي دوق هنتر کاکق ۲ دي کي تو ، یوسف فسن کا دي
 کات : ماس دوق کلیق تو ، جاغلله دوق امبيق ساله مو اكو
 حال ۲ هق لفس ده .

25-28 فواق تو فون توییت دنگري مصیر ، توجو کوئتمفت ایه
 دي یعقوب ، دنگري کنعان . * فس دي رویت خبر کا ایه
 دي کات : یوسف ار لاگي . دي جاري کتوا سموا دالم
 نگري مصیر . تافي یعقوب فون ترکجوت ، تالیه فرچاي هق

کجاردین 27: 45 - 28

ري رویت تو. * تافي بیلا ري دغر سموا فسنن هق
یوسف، فس تیثوق کریتا ۲ لمبو هق یوسف هنتر نق باوا
ري گي کا مصیر، بارو ري ناءیک سماغت سمولا، * فس کات:
فان ده، انق کو یوسف دوق ار لاکي، فس اکو نق کي
تیثوق مات ري بلوم فد ماتي.

فواق نبي یعقوب برالیه کي کا نگري مصیر

کجاردین ، باب 46 : 1 - 7

1 - 2 یعقوب فون سیمن سیف بلاک ده، فس توبیت کي
سمفي کا بعیر شیيع. دسیتو فون، ري بوات قربان کا توهن،
سروف ایه ري اسحاق بیاس بوات دولو. * فس توهن
کیچیق دغن یعقوب تغه مالم، بري دغر سوارا کات: یعقوب،
اوه یعقوب! ري فون جواب: یا توهن، اکو دوق دغر.
فس توهن کات کا ري:

3 اکو نیله توهن هق ایه مو دوق سمبه دولو.

مو تائه تاکوتله، مو بولیه کي دوق دنگري مصیر.

دسیتوله، اکو نق بري مو جاري بغسا بسر.

4 اکو نق کي سکالي دغن مو سمفي کا نگري تو،

فس ماس کوء راءفن،

اکو نق باوا فواق مو کلیق ماري کا تمفت ني فول.

تکه مو ماتي فون، تاغن یوسفله نق کاتوف مات مو.

7 - 5 لفس تو، يعقوب توبيت فد بعير شيع. انق ۲ ري
بري ايه ناءيك ڪريتا لمبو هق راج مصير هنتر ماري تو.
اورغ بتينا دغن بودق ۲ ڪچيڪ فون، ناءيك ڪريتا ۲ تو ڪي
سڪالي. * بارغ ۲ دغن بناتغ هق فواق تو بوليه دنڪري
ڪنعان، ري باوا ڪي بلاڪ. * بالس توله، يعقوب باوا
سموا ڪلوارڪ ري ڪي ڪا نڪري مصير.

بیلان کتورونن هق یعقوب فد ماس تو

کجاریں ، باب 46 : 8-27

8	اينيله بيلاغڻ ڪتورونن اسرائيل، ياءِيت انق چوچو يعقوب هق ڪي ڪا نڪري مصير سڪالي دڻن دي .
9	مولا ۲ انق سولوڻ دي ريوبين ، فس انق ۲ ريوبين نام حانوخ ، فالو، حيزرون دڻن ڪرمي .
10	فس سيميون دڻن انق ۲ دي ، نام جموئيل ، جامين اوهر ، ياکين ، زوهر دڻن ساءول . ساءول ني ، مق دي اورڻ بفسا ڪنعان .
11	فس ليوي دڻن انق ۲ دي نام ڪرشن ، ڪوهات دڻن مراري .
12	فس يهودا دڻن انق ۲ دي غير ، اونن ، شيلة ، فيريز ، زبرة . (غير دڻن اونن توماتي ده ، تڪه دوق دنڪري ڪنعان دولو) . فيريز تو فون ار انق جوڳ ، نام دي : حيزرون دڻن حامول .

- 13 فس ایساگر دغن انق ۲ دي نام تولا، فواش، ياشوب
دغن شيمرون .
- 14 فس انق ۲ زيولون فول، نام سيريد، عيلون دغن
جهليل .
- 15 اينيله انق چوچو يعقوب باليق بيني دي ليعه، هق برانق
تکه دي روق دفادن ارم دولو. فس ار انق بتينا سئورغ
لاکي نام دینه. انق چوچو يعقوب دغن ليعه، سموا تو ار
تيگ فولوه تيگ اورغ .
- 16 لفس تو، ار کار دغن انق ۲ دي نام زيفيون،
هاکي، شوني، حيزيون، عيري، ارودي دغن ارلي .
- 17 فس اشير دغن انق ۲ دي نام ايمنه، ايشوه، ايشوي
دغن بريعه، سکالي دغن انق بتينا دي سيره . فس
انق ۲ بريعه فول، نام دي حيبير دغن ملخيل .
- 18 اينيله انق چوچو يعقوب دغن زيلفه، همب بتينا هق
لابن بري کاليعه دولو. سموا تو ار انم بلس اورغ .
- 19 فس انق يعقوب دغن بيني دي راخيل فول،
ار روا اورغ، يوسف دغن بينجامين .
- 20 انق ۲ يوسف فون، هق برانق دنکري مصير تو، نام
دي مناسيح دغن ايفرائيم . مق دي اسنه،
انق فوتيفر، امام اوکام مصير تو، هق ماري دبندراون .
- 21 فس انق ۲ بينجامين، نام دي بيله، بيکير، اشبيل،
کيرا، نعمان، عيحي، روش، موفيم، حوفيم، دغن اردي .
- 22 اينيله انق چوچو يعقوب دغن راخيل . سموا تو، ار امفت
بلس اورغ .
- 23 فس انق يعقوب نام دان تو، ار انق سئورغ نام
هوشيم .

24 فس نفتالي فول، انق ۲ ري نام يهزيل، گوني، جيزير
دغن شليم.

25 اينيله انق چوچو يعقوب دغن همب ري بيلحه، هق لابن
بري كا راخيل دولو. انق چوچو يعقوب باليق ري، سما
توجه اورغ.

26 انق چوچو يعقوب هق کي سڪالي رغن ري کا نگري

مصیر، سموا تو ار انم فولوه انم اورغ، تاۛماسوق منتو ۰۲.

27 فس تو ار يوسف دغن انق دي روا اورغ، هق برانق

دنگري مصير. بالس توله كلوارك يعقوب حق ماري دوق دمصير.
سموا تو، ار توجوه فولوه اورغ.

نبی یعقوب دغن کلوارڙي

روح رنگري مصير

کجاریں ، باب 46 : 28-34

28-30 فس یعقوب سوروه یهودا کی رولو کا تمفت یوسف ،

نق بري يوسف سمبوت دي دمقيم گومشين تو. فواق يعقوب

فون برجالن ڳي ڪا ڳوڻين سلاو. * فس يوسف نائيڪ ڪريتا

کورا ري ، کي کا تمفت تو جوڳ ، نق سمبوت ايه ري . با

يوسف فون فلوک ايه ري ، دغن ترياق مناغيس لام

جوگ . * فس یعقوب کات کا یوسف : لانی تا۱۰۲ اف ۲ دہ ،

نق ماتی فون بولیہ. سبب اکو تیقوق رہ مات مو، فس

تاھو کات مو روق ار لاڳی .

كجادين 46: 31-34

31-32 فس يوسف فاليغ كا اديق براديق دي ، دغن سموا هق جاري فواق ايه دي ، كات: لاني اكو كنا نائيك كا تمفت راج ، نق رويت بري تاهو چارا حال فواق مو. اكونق رويت بالس ني : اديق براديق كو دغن سموا فواق دي هق دوق دنكري كنمان تو ، ماري تمو دغن اكو ده . * فواق تو ، كهيدوفن دي دوق فيرا بناتغ ، فس دي فندي بلا چارا بناتغ سموا فركارا . دي باواء ماري سيني ، كاون ۲ بناتغ دغن بارغ دي .

33-34 فس يوسف سوروه اديق براديق دي ، كات: بيلا راج فثگيل مو ماسوق راءفن دي ، نق تان حال ۲ كرج مو ، * مو كنا جواب بالس ني : فواق امب دوق فيرا بناتغ جق دكچيك لاكي ، سروف تو نينيق كيت دولو . كالو مو رويت بالس تو ، يوسف كات ، تنتو راج نق بري فواق كيت دودوق دمقيم كوشين تو . سبب اورغ مصير تاءليه چمفورگاءول دغن اورغ هق فيرا بناتغ . کران دي كات ساله حكوم بسر هق دي .

اديق براديق يوسف ماسوق راءفن راج مصير

كجادين ، باب 47: 1-12

1-2 لفس تو ، يوسف فيليه اديق براديق دي ليم اورغ ، نق باواء كي سكالې دغن دي . دي فون ماسوق راءفن راج كات: يا توانكو ، ايه امب دغن اديق براديق سموا سمفي ده . دي باواء ماري هابيس سموا هق مان ار

دنکري کنعان تو، کمبیغ بیريغ، لمبو ۲ دغن هرت ري. فس
لاني ري دوق برادو دمقیم گوشين. سود کيچيق باليس تو،
يوسف فون بري کنل کا راج، اديق براديق ليم اورغ تو.
4 - 3 راج فون تان ري: فواق مو دوق بوات کرج اف؟

ري جواب کات: همب توانکو ني دوق فيرا بناتغ سروف
تو نينيق کيت دولو. * سابيت فواق امب کنا براليه ماري
دوق دنکري ني، سبب کماراو تروق سوغکوه دنکري کنعان تو،
تاءاره نق بري ماکن کا سموا بناتغ کيت. يا توانکو!
مينتاءله بري فواق امب بوليه دوق دمقیم گوشين تو.

6 - 5 راج فون فالیغ کيچيق دغن يوسف کات: لاني ايه
دغن اديق براديق مو ماري ده کا تمفت مو. * ري بوليه
دوق دمان ۲ دالم نکري مصير ني. سوغکوه، دمقیم گوشين
تو، تانه هق موليق سکالي. بري ري دوقله دسيتو. فس
کالو ار اورغ هق فندي بلا چارا بناتغ، بري ري ماري
جاري کتوا اتس فواق فيرا بناتغ هق اکو گاتيقي.

9 - 7 لفس تو، يوسف باواء ايه ري ماسوق تمو دغن راج.
يعقوب فون اوچف سلامت اتس راج. * فس راج تان ري:
تو ني، عمور براف ده؟ * يعقوب جواب کات: سراتوس تيگ
فولوه تاهون، امب کا دوق برجاهه کي رات ۲ سممور. تافي
عمور امب ني کورغ لاگي فد تو نينيق امب. نصيب امب فون
تاءسروف ري جوگ، کران امب بياس کنا بالا کسوساهن
سممور.

10 - 12 لفس تو، يعقوب اوچف سلامت اتس راج سکالي لاگي،
فس تيغکل کي. * فس، يوسف باواء ايه دغن اديق براديق
ري کي، بري دوق دتانه هق نق جاري ميليق ري دنکري
تو. ري بري تانه هق سوبر موليق، ايکوت سوروهن راج تو.

کجاردین 47: 11-12

دکت دغن بندر نام رعامسیس . * فس یوسف هنتر ماري مکانن ،
انتوق نق سارا ایه دغن سموا فواق دي . تیف۲
بولیه سگیان ، ایکوت اورغ هق ار دالم فواق تو .



لفس فد تو ، کماراو کهور تروق لاگي ، سهیڤڭ اورغ
مصیر ترفقسا کنا جوال کا راج سموا هق دي ار ،
سمفي کا تانه فون ، بارو بولیه ماکن . تافي ، کلوارڭ
نبي یعقوب لائن . توهن بري دي ماري دودوق
دتمفت هق مولیق ، دالم نځري مصیر . دي ماجو فس
کهور۲ رامي . لام۲ نبي یعقوب سمفي ماس ، فس
دي فون ماتي .

یوسف بري سماغت کا فواق کاکق۲ ري


کجاردین ، باب 50: 15-21

لفس فد ایه دي ماتي ، کاکق۲ یوسف دوق کیچیق
سام دي ، کات : تاکوت یوسف دوق بنچي کا کیت لاگي ، فس
لاني نق بالس هق کیت بوات هودوه کا دي رولو .

16-18 سابت تو، دي سوروه اورغ کي رويت کا يوسف کات:
 بلوم فد ايه توان ماتي، * دي فسن کا کاکق ۲ توان بالس
 ني: رويته کا يوسف کات، ايه دي مينتاء يوسف جاغله
 امبيق ساله کا کاکق ۲ دي، هق بوات فرکارا هودوه کا دي
 دولو، فس هق تو جاري دوسا بسر. سابت توله کاکق ۲
 توان ني نق ماري مينتاء معاف دغن توان سلالو، کران
 دي دوق سمبه کا توهن هق تولا، توهن هق ايه توان
 دوق سمبه دولو.

بيلا يوسف دغر فرکتان تو، دي فون براس سوسه
 هاتي، فس ترياق تاغيس فول. * لفس تو، فواق کاکق دي
 ماري سنديري، ماسوق تروم لوتوت مرند دهيري دي راءن
 يوسف، کات: تيغوقله، فواق امب ني نق سره دي ري کا
 اديق سروف همب ساج.

19-21 فس تو، يوسف کات: مو تاءسه تاکوتله. اکو تاءسير جاتوه
 حکوم اتس فواق مو، هق تو کريجائن توهن. * توجوان مو
 دولو تو، نق بوات جاهت کا اکو. تافي توجوان توهن لائين.
 دي نق توکر هق جاهت تو براوبه بري جاري هق باءيك
 بالس توله، توهن بري بايق اورغ سلامت درفد ماتي، هيغڭ
 سمفي کا ماس لاني فون. * سابت تو، مو جاغن تاکوتله، اکو
 نق جاڭ مو سعمور، سکالي دغن انق ۲ مو. بالس توله،
 يوسف بري سماغث کا کاکق ۲ دي، بري دي براس سنغ هاتي.





لفس فد تو براتوس ۲ تاهون لاڳي ، توهن بري
 سئورغ دالم فواق هق باوا تيته عيسى المسيح تو ،
 (نام دي فولوس) تولىس ايات ۲ چارا حال اورغ هق
 دوق كاسيه كا توهن ، تافي دي كنا بالا كسوساهن
 جوڳ ، سروف دغن نبي يوسف . اورغ ۲ تودوق هارف
 كا توهن سعمور ، فس هرافن دي تو تائسيا ۲ . ولو
 كسوساهن دي برت ستارا مان فون ، توهن دوق فارول
 كا دي لاڳي ، فس نق بري دي بوليه باءيك دالم
 فركارا تو . بچاله ايات ۲ دباوه ، چارا حال فركارا
 ني . سموا تو اد رويت دالم كتاب انجيل .

كاسيه ساينغ هق توهن تا فوتوس بوات سلام ۲

انجيل ، سورت روم 8 : 18-28

- 18 فد فيكران اكو فولوس ، كسوساهن كيت لاني برت
 ستارا مان فون تاءاف ، کران ماس کوء راءفن ، بيلا توهن
 بري پات كا کيت ، کملپائن هق دي چارغ تاروه انتوق کيت ،
 کيت نق براس كسوساهن تو ريغن ساج .
- 19-21 سسوځگوهن ، سموا مخلوق هق توهن بري جاري ، اتس
 دنيا اتوا دلاڳيت فون دوق ننځي ، براس نق بري سمفي
 باغت ۲ ، هاري هق توهن نق بري پات کملپائن هق انق ۲

ري . * اتس سما مخلوق تو، توهن جاتوه حكوم ده كات،
 ٢٢ ي كنا براويه جاري فونه هابيس. بوكن دغن كهندق
 مخلوق جاري بالس تو، دق، تافي دغن كهندق توهن .
 تافي، سما مخلوق ني تاءكنا جاري فونه سروف تو سعمور .
 ار هرافن هق موليق لاكي . * ري نق دافت مليا سكالې دغن
 انق ٢ توهن جوگ، فد هاري هق توهن نق بري انق ٢ ري
 تو لفس سوغكوه درفد حكوم سائي، انتوق تريما كلياان
 هق ري .


22-23 سما مخلوق توهن لاني دوق برادوه، سروف اورغ
 بتينا دوق ساكيت نق برانق . * فس بوكن مخلوق ني ساج،
 هق دوق برادوه تكه ري دوق ننتي هاري تو. فواق كيت
 فون، هق سوده تريما روح توهن، براس بالس تو جوگ. كيت نق
 بري سمفي باغت ٢، هاري هق كيت دافت كلياان هق انق ٢
 توهن، يائيت هاري هق توهن نق بري توبوه بدان كيت
 سلامت دغن سمفرن. لاني توهن بري روح ري دوق دالم
 هاتي كيت جاري تندا، كات تنتو توهن نق بري سمفرن
 سما فركارا ني .

24-25 لاني كيت دوق ننتي دغن هرافن فنوه كات، توهن
 نق بري سلامت دغن سمفرن. كالو كيت دوق هارف نق
 بوليه، معنان كيت تاءبوليه لاكي . تاءار سياف دوق ننتي
 فركارا هق ري بوليه ده . * بيلا كيت تاهو دغن تنتو
 كات، كيت نق بوليه ساتو فركارا، هق تاءبياس نمفق لاكي،
 هرافن توله بري كيت كاچغ ننتي، هيغك سمفي كيت بوليه .
 26-27 فس سالاكي، توهن بري روح ري جاري فنولوغ
 كيت جوگ، كران هاتي كيت تاءقواة. ميسل، بيلا كيت


بردا ، کیت تاهو بالس مان کنا بردا دغن توهن . ماس
 تو جوگ ، روح توهن سندیري دوق مینتا دغا انتوق کیت ،
 دغن سوارا دالم هاتي هق مائسي تائفندي نق سبوت .
 * تافي توهن تاهو سما فرکارا دالم هاتي مائسي . دي
 برکن فرکارا ۲ هق روح دي مینتا تو ، سبب سما فرکارا
 هق روح توهن مینتا انتوق اورغ هق کاسیه کا توهن ،
 تنتو ستوجو دغن کهندق توهن بلاک .

28

اورغ هق کاسیه کا توهن ، هق توهن فغکیل تورو
 دي ، دغن توجوان نق بري سمفرن کهندق دي دالم
 هیدوفن اورغ تو ، کیت تاهو ده کات ، فرکارا مان ۲ هق
 جاري اتس اورغ تو ، توهن دوق ار سکالي دغن دي
 فس نق بري دي بولیه بائیک دالم فرکارا تو .



Wir haben hier keine bleibende Stadt,
sondern die zukünftige suchen wir.
Hebr. 13, 14



Studies about
Joseph

34